



四佳集

十六卷

雜著

碑誌

補遺

~16
2415
18

卷十八



和
2415
18-18

四佳文集補遺一

碑誌類

左議政西原府院君謚襄節韓公墓誌銘

公姓韓諱確清州人曾祖諱方信修文殿大學士

祖諱寧贈兵曹判書考諱永疇贈領議政府事妣

金氏我太宗佐命功臣承寧府事襄昭公英烈

之女內外皆名門大族議政生二女俱膺皇朝

之選長入太宗文皇帝後宮封麗妃公以妃之

兄初授右軍副司直永樂戊戌年十九文皇帝

召赴京師願遇殊深宣授奉議大夫光祿寺少卿

時太宗禪位于世宗遣使陳請帝降冊命

以公為正使光祿寺丞劉泉為副以遣泉復命公



四佳文集補遺一

以帝旨仍留其後復召赴京師者再四至以仁宗
之女尚之公辭以母老乃止 世宗知公有器幹
可任大事宣德乙卯授資憲中樞院副使俄遷判
漢城府事劄治煩劇裁決悉當出為京畿觀察使
召還拜知中樞院事轉階正憲擢兵曹判書 世
宗深加倚任又出為咸吉道觀察使與大臣爭論
不屈罷甲子復判兵曹遷吏曹判書久掌詮選注
擬實公人無間言丙寅進階崇政判中樞院事明
年出按平安道兼尹平壤 文宗召還復判中樞景
泰三年陞左贊成 上王嗣位幼冲謙抑權奸專
權國事日非公獨正色直言屹然不動人皆倚以
為重癸酉今 上在潛邸炳幾靖難公之勳與有

多馬賜輸忠衛社協贊靖難功臣之號擢大志輔
國崇祿大夫議政府右議政領 經筵事西城府
院君乙亥陞左議政今 上御極賜同德佐翼功
臣之號改封西原七年夏帝遣太監等賜誥命冠
服公以謝恩使如京師使還回至端州之沙河驛
旅舍卒年五十七方病革屬僚佐以後事無一言
及於家 上聞在道病劇遣內鑿賚之藥往救之
已無及矣計聞 上慟悼輟朝三日遣禮官迎柩
傳贈方公天資叢重守正無私其在相府政務
一節傳之至體雖富貴已極而謙恭愈下待人接
物之溫和氣調及臨事果決截然不可犯家居
庭則閉節不到實淡如也歷事累 朝忠勤備著

隆會感時三列勳盟之言位冠百僚之長又奉使
今不遺一死於三事功名終於可無愧云古人
者矣公三子之曹判書洪公政方之女主二子六女
男長致仁行司僕寺尹次致義左軍司正次致禮
女一 王世子嬪於次居第六長適副知通禮門
事李繼寧次桂陽君增之夫人次適臨陂縣令金
自浣次適監察崔佺次適副司直權緝庶孽生六
男曰榴山柚山柑山柿山梨山桃山司僕寺尹娶
中樞院事趙瑞安之女生男四女二司正娶郡守
李恒全之女致禮娶延昌尉安孟聃之女 嬪誕
元孫郡主桂陽生男二女一通禮無嗣縣令生男
三女一監察生男一女一司直生男三女一景泰

八年某甲以禮窆于廣州某村之原嗚呼以公遭
遇之隆勳業之盛宜享遐福以贊襄 聖主維新
之治天不假年乃至於斯嗚呼惜哉然公之積福
積慶薦生賢媛克配儲宮已叶螽斯之祥又有子
有孫將襲世美光大門戶公之元勳盛德愈久不
朽益委祉錫福於後嗣也無疑矣銘曰
有濬西原發源深長蟬聯赫世公又益昌早覲
帝庭大被殊顧歷相累 朝蜚英際遇遭時扶翊
有炳勳業潭潭台府烈烈猗閣公乃挺特屹然喬
嶽維德之懋維功之卓所施者大天奪何速有畀
有嗇而不與齡孰主張是真宰冥冥椒房毓慶蘭
畹儲祥公則不亡所在者長駿津之濱有鬱古坳

我銘匪諛襄節之塋

旌善郡夫人韓氏墓碑銘并序

韓西原望族世篤其慶或生任姒或生宗婦有爛門楣為三韓最宗室桂陽之配曰旌善郡夫人皇考諱確大匡輔國崇祿大夫議政府左議政西原府院君諡襄節公之姒嘗選入太宗文皇帝掖庭寵冠後宮推恩授奉議大夫光祿寺少卿韓氏尤益顯隆光陵在潛邸德宗為桃源君選公女為配是為仁粹王大妃世祖炳幾賜輸忠衛社靖難功臣之號世祖登寶位又賜同德佐翼功臣鐵券皇祖諱永疇卒官淳昌郡守皇曾祖諱寧高麗神虎衛錄事皆以公勲追贈純忠積德

秉義補祚功臣領議政府事皇妣南陽洪氏吏曹判書謚文良諱汝方之女宣德丙午四月乙亥生夫人幼有淑德動循女則世宗選為桂陽君夫人年十二以德以望皆居第一承順兩宮寵眷異諸命婦命掌內膳光陵卽位策桂陽勲賜輸忠衛社同德佐翼功臣之號是雖出於公之忠赤內助之力與有多焉甲申桂陽捐館謚曰忠昭夫人哀毀幾殆凡斂葬祥禫一遵禮制靡有遺悔聞者稱之越十七年庚子秋夫人遘疾仁粹王大妃及我殿下深加軫慮日遣內醫女醫問疾賜良劑珍膳絡繹於道衆藥不效七月乙巳卒享年五十三訃聞震悼賻祭有加官庇葬事九月庚寅窆

于揚州東村白石里與忠昭同原異域夫人天性
柔嘉嚴懿教子以方諄諄戒飭謹守家訓為宗室
模範忠昭敬重之生三男三女長曰禮寧源君次
曰融江陽君次曰湜富林君女長適敦寧府直長
安繼宋次適行護軍鄭敬祖次適司贍寺直長韓
嶽寧原娶觀察使沈璿之女江陽娶郡守許峻之
女富林娶上洛府院君金礪之女生二男二女皆
幼繼宋生三男三女敬祖生二男皆幼韓嶽生二
男一女嗚呼以夫人之淑德懿行貞操義質宜膺
遐福而享年不永豈不痛哉然有子有壻王立蘭
茁家閥之益盛福祿之未艾衮衮方來之慶容可
已乎是以書

左議政鐵城府院君 贈謚康憲李公神道碑銘序
鐵城之李高麗大族有諱瑁登第不仕種德遺後
生監察大夫諱尊庇以文名顯隆生鐵城君諱瑀
以幹能歷淮金全晉數州所至多遺愛生門下侍
中諱嵩事忠定王為左政丞尋奉身乞退恭愍朝
復相己亥毛賊犯西關為都元帥有制勝功才兼
將相勲名蓋世為詩亦簡古真草行三法皆妙絕
卒謚曰文貞生諱崗有父風人皆以公輔期之早
歿官至密直副使辛丑紅寇之變恭愍倉卒南巡
公為慶尚道按廉使奉迎儀衛甚盛供頓克斥人
皆嘖嘖稱羨王甚器重及卒王歎曰天何奪我岡
之速也舊制樞密無謚特謚曰文敬夫人郭氏判

開城延俊之女洪武戊申正月某甲生公公諱原
字次山號容軒初公生四月而文敬卒郭夫人常
抱悲泣曰天若祚李其在此孤乎公在襁褓寢然
如成人稍長力學不倦公姊權文忠公夫人李氏
憐公早孤撫如己出文忠亦教誨如子學日就為
文有作者氣每與論議發越不羣文忠驚曰吾舅
氏不亡也公年十五中壬戌進士科乙丑圃隱鄭
文忠公主試席公擢第圃隱曰以文敬之才之德
不大厥施今有兒如此天之報施信有徵哉戊辰
拜司僕寺丞累轉工禮二曹佐郎兵曹正郎壬申
太祖開國器其賢歷試繁劇三入臺為持平為侍
史為中丞剛正自持臺中凜然出守楊根郡有惠

政再為典校任文翰所至藉甚有名聲 恭靖王
擢為右副承旨敷奏詳明出納惟允陞為左 太
宗立仍置喉舌眷注益篤論佐命勲賜鐵券拜司
憲府大司憲封鐵城君出為京畿觀察使黜陟嚴
明豪猾畏縮永樂癸未夏 太宗文皇帝賜誥命
如京謝恩冬出尹平壤府府古稱繁劇難治公撫
綏得宜政大理時方繕修大同館公恐擾民率僚
吏親輸材瓦民樂趨事不日告成明年以府尹兼
西北面都巡問察理使丙戌拜藝文提學轉中軍
總制叅知議政府事又拜大司憲遷判漢城府事
戊子為慶尚道觀察使癸巳為東北面都巡問察
理使乙未改賜推忠翊戴佐命功臣之號進禮曹

判書尋移大司憲至是凡三為憲長正色立朝激濁揚清謬有憲臣體改判漢城府事累轉吏兵二曹判書議政府叅贊陞贊成事戊戌世宗立擢為右議政加賜功臣同德二字己亥文皇帝賜誥命冠服公奉表如京謝恩公姿相魁偉巍然萬人中帝見而竒之曰黃髯宰相後復來辛丑陞左議政主禮園取安崇善等三十三人時稱得士乙巳宣宗章皇帝登極如京進賀公自叅知政事出入廟堂二十餘年為首相九年政務寬大不喜更張持大體當世宗銳意初政之時啓沃獻替裨益弘多朝廷想望其風裁公亦盛滿為戒欲乞退者有年先是有忌公者構公暗昧之過

太宗親雪之太宗上賓忌公者挾前憾嗾臺欲抵公死世宗知公無他重違臺臣之請謫礪山郡是丙午春也世宗念舊勲眷顧不衰每論議大事必曰鐵城在心處之矣未幾欲召還復相忌公者又沮之己酉夏以病卒享年六十二世祖還賜職牒功臣錄券公氣宇寬洪性稟忠貞輔以學問之正故其發於議論措諸事業者蔚乎可觀平生與人言未嘗矯飾又不崖岸自異及其臨決大事確然不動屹如山岳掌銓注十餘年選賢與能予奪不以私故人無怨言真太平宰相也惜乎一遭顛躓不能贊成世宗維新之治亦天也公先娶陽川許氏典理判書錦之女生一男二女臺

中樞院副使女長適主簿柳方善次適副正柳汲
後娶全州崔氏奉常大夫軍器監郎丁智之女封
弁韓國大夫人生六男曰谷大護軍曰垓漢城少
尹曰埤同知中樞院事曰塲上護軍垓埤塲皆中
武科有時譽曰增行靈山縣監曰埤行大護軍兼
承文院叅校中丁丑文科生四女長適僉知尹三
山次適求禮縣監李宏植次適左議政權擧次適
繕工副正黃從兄臺娶牧使權詳之女生四男曰
越僉知曰晨副正曰疑僉知曰庚主簿生三女長
適咸陽君諦次適縣監鄭自淑次適僉正李諱谷
娶司藝李陽明之女生二女長適府尹姜希顏無
嗣次適生負南恠垓娶掌令鄭之唐之女生二男

曰準縣監曰則議政府舍人壬午及第生六女長
適縣監趙廷老次適郡守朴堦次適縣監許衡次
適府使李時珪次適知中樞院事金淳次適叅奉
慶祥埤娶縣監尹煥之女生一男儀宣略一女適
生負鄭純彥後娶修義校尉吳泉之女生一男曰
偉生二女幼塲娶郡事李糾之女生二男曰崑曰
敲一女適南衡增娶觀察使李瞎之女生四男曰
評縣監曰浚進士曰泗曰濱生二女長適趙銅虎
次幼塲娶鄭保之女生四男曰陸掌隸院判決事
甲申杜元曰陸進士曰隰曰陌柳方善生二男長
曰允庾次曰允謙典校校理生五女長適房峻次
適金永堅次適崔榮祖次適郡守金元信次適許

植柳汲生二男曰從京淳昌郡守曰從華鍾城府使尹三山生六男曰塢上護軍曰塘保功將軍曰壕揚州牧使曰坡縣監曰坦上護軍曰坡直長生三女長適僉知朴梅次適西林正恠次適青原正霖李宏植生五男曰孟禧縣監曰仲禧禦侮曰季禧察訪曰永禧副正曰益禧女適主簿金禮重權孳生二男曰傑吉昌君曰健進士生七女長適清原君韓世龜次適經歷朴士華次適監察申億年次適主簿金壽亨次適佐郎慎守勤次適叅奉閔師騫次適申末平黃從兄生三男曰權生負曰瓚曰珪越生二男曰嫡孫上護軍曰嗣孫晨生一男曰欽疑生三男曰玳曰琬曰琢東生五男曰精曰

遵曰質皆生負曰博藝文檢閱曰遠進士準生一男曰英則生二男曰拙曰儀生一男曰豐評生二男曰孝胤曰忠胤陸生二男曰嶼曰嶮內外曾玄孫百有餘人初公卒後三日崔夫人亦卒窆廣州治之西粟村高坐坎向之原同域異墳厥後諸孤相繼淪逝餘四十年碑尚未立今叅校公慨然欲堅命居正銘之居正外祖妣李氏即鐵城之姊忝在戚屬義不敢辭謹銘曰
堂堂鐵城有炳勳烈相府潭潭麟閣屹屹久宅百揆功存納麓人有筮龜國有柱石造物者何戲劇於人何數之奇何亨之允黃閣朱崖蒼蠅白璧公則不嫌公處自若王曰念公公歸不日公歸復相

天奪何急雖則云然所存者長山礪河帶公則不
亡王立蘭苗子孫其昌廣陵我我廣水法法立石
不朽維公之墳

有明朝鮮國精忠出氣敵愾純誠明亮經濟
弘化佐理功臣大匡輔國崇祿大夫議政府
左議政兼領經筵春秋館事光山府院君

贈諡丁靖公金公神道碑銘

殿下之十二年冬十有一月丁亥左議政金公以
病卒于正寢 上震悼賻贈有加明年二月有司
具儀衛其孤克忉等奉靈柩厝于連山縣東村王
臺之原仲氏先城以諸孤之意請居正銘其碑謹
按公諱國光字觀卿金本光之望族有諱鼎仕高

麗封光山君有三子曰若采曰若恒曰若時登第
舊例三子登科封母夫人爵同時拜顯秩世榮之
若采在麗季為諫大夫時趙胖獄起公在合坐所
言論奮揚慷慨激切竟坐林廡而右胖物論多之
八本朝為大司憲激濁揚清謬有憲臣體官至
觀察使若采生諱問登第拜藝文檢閱早沒問生
諱鉄山平生諄謹自守不求名宦官至司憲監察
人皆曰檢閱父子有大德不大厥施必委祉於後
子孫其興乎監察即公皇考也以公勲贈純忠積
德秉義補祚功臣大匡輔國崇祿大夫議政府領
議政光城府院君皇妣金氏安東大姓成川府使
諱明理之女永樂乙未五月十二日戊申生公公

生而骨法異常及長聰敏好學溫恭愷悌不安交遊不失色失言於人讀書通大義識大體為儕輩所推選補成均生負時領相黃翼成公喜一見大器之以其子漢城少尹保身之女妻之翼成常曰金生非小成者敬重之不冠不見公中戊午司馬科擢辛酉文科第七名選補承文正字轉至博士乙丑授義興庫副使尋除黃海道都事丁卯授司憲監察掌武舉取李樑材等移成均主簿戊辰復拜監察赴京師己巳出為全羅道都事庚午丁內艱壬申服闋除承文校理遷奉常判官乙亥代服祖母喪是年世祖卽位丙子賜原從功臣之號上忽問金國光今在何處政院以祖母代服

對數月又問遭服今幾月政院又啓已經大祥但未禫耳上特除司憲持平尋陞副知承文院事戊寅咸安人崔玉山弒父起獄本道推劾以啓法當坐上見獄辭不具備語左右曰弒逆人倫之大變罪之必當其可小或誣枉反傷名教遣公更鞫果得寃狀上驚曰若非金國光幾殺無辜矣由是上深器公擢司憲掌令轉成均司藝時命開詳定局聚一時之臣參酌祖宗舊典損益時宜為經國大典公在選凡所擬議毫分縷拆奏對稱旨掌詳定者皆勲賢大臣而上於便殿獨召公議事至曰予資於國光所學甚多己卯轉宗親府典籤時毛隣衛野人浪甫兒罕潛懷異謀構邊

上以虜情狙詐難測欲探其實而處置遣使
難其人 上曰思之無踰金國光遂遣竟得反狀
上赫然遣申叔舟等往擣賊所蕩平之公策居多
庚辰 上曰金國光復為戶曹參議蓋戶曹專掌
一國會計以公精明欲授之也銓曹以秩微駁啓
特加威勇又特加中訓試司贍寺尹俄擢承政院
同副承旨階通政轉至左副敷奏詳明出納惟允
辛巳陞兵曹參判階嘉善 上方銳意圖治委公
戎政董理有法講畫精到 上每稱如國光者真
文武全才也眷注日隆常親札事知第一四字寵
之一日御便殿手匙御飯賜公食傾日角襯公面
謂老宦安瑤曰 祖宗朝君臣相得亦有如是者

手瑤對曰臣歷事四朝未嘗見如今日者壬午掌
武舉取趙頴達等甲申陞戶曹判書超階資憲乙
酉移中樞府事陞正憲丙戌兵曹判書陞崇政丁
亥拜議政府右贊成兼判兵曹五衛都總管尋陞
左贊成時政院多事命公為假都承旨專掌宥密
公辭曰以臣庸劣謬蒙 聖知既忝貳公又兼兵
曹及都總管於分即踰懼不稱職今又兼都承旨
機務至重非臣所堪恐累 殿下知人之明牢讓
不獲夏吉州賊李施愛陰懷異心煽動人民盡殺
一道監司節度守令以叛 上有北顧之憂公搃
戎政謀猷帷幄處置得宜嘗從容啓曰以 聖德
神武而潢池弄兵何足置牙齒間耶 上笑之建

州衛野人李滿住久梗聖化又犯上國 皇上命
將徂征諭本國赴救兩地用兵事出蒼黃公運籌
決策左酬右荅無施不可 上甚倚重之施愛既
伏誅諸將征建州凱還 上謂曰北伐西征出師
萬全惟公是賴謝曰奉 聖筭睿謀臣何功焉策
勲賜精忠出氣敵愾功臣之號尋陞崇祿左贊成
有忌功者造飛語欲中傷之諫官亦諫 上震怒
曰予深知金國光必無此事況今國家多故非金
國光誰與議大事誤國事者必此輩也抵諫官罪
戊子元日 上御正殿開會禮宴舊例首相押班
進爵特命公先蓋寵之也 昌陵嗣位遵 世廟
故事以曾經議政如申叔舟韓明澮等二三勲相

坐政院議國政謂之院相日仕政院叅贊機政而
公亦與焉時論榮之己丑陞輔國崇祿又擢大匡
輔國崇祿大夫議政府右議政兼領經筵事冬今
上卽祚圖任老成因領經筵日賜顧問尊禮尤重
庚寅進左議政夏以謝恩使赴京辛卯賜純誠明
亮經濟弘化佐理功臣之號癸巳丁外憂乙未服
闋召拜光山府院君兼領經筵事掌文闈取辛季
琚等戊戌主試席取權景禧等庚子取申從漢等
冬疾薦 上遣內醫賜良劑治療不效遂卒享年
六十六遠近聞者莫不痛悼公性資端重居官蒞
事精白一心奉公守正未嘗表襮亦不崖異與人
語温温一團和氣平生無疾言遽色亦不言人過

失知其為德人君子也早負經濟之才知遇我
世祖獨典機衡言聽計從賁飾太平之治君臣相
得近代所無其在相府務遵大體不喜紛更得大
臣體晚年以盛滿自戒門無停客或命召咨訪或
遣使就問公亦知無不言以輔君澤民為心其忠
勤若此初公以承旨拜兵曹叅判光城為同副承
旨兄弟相繼居喉舌不數年一時封君母夫人在
堂康強無恙公與諸弟聯珪疊璧承候其顏色順
適其起居盡心奉養孝友無間人皆嘖嘖稱羨之
此公終始大略也公之配貞敬夫人黃氏亦有淑
德懿行居家有範生四男三女男長曰克忬登戊
子科嘗判掌隸院剖決精明人稱有父風轉工曹

叅議籍甚有名聲曰克忬司僕副正曰克羞忠勲
經歷曰克愧義盈庫令女長適正郎李悍次適直
長李諲次適從仕郎宋汝霖叅議娶監察朴肄之
女生二男二女男長宗胤次昭胤女適叅奉陳首
胤餘勿副正娶直講朴繼金之女生一男三女男
長曰孟胤餘勿經歷娶節度使黃守正之女生三
男長曰貴胤餘勿庫令娶上護軍韓忠義之女生
二男皆幼嗚呼以公之德之勲之盛生享福祿沒
膺寵典哀榮終始蓋無憾矣諸孤亦克承家欲光
前烈刻貞珉以圖不朽其賢矣哉居正與公忝同
戊午榜繼而於館閣政府再叨僚貳終始陪從四
十有三年知公最深銘於何辭第不復見大人君

子嗚呼痛哉銘曰

光山磅礴世有豪英公乃飛英大振厥聲遭遇光廟千載一奇乃擢銀臺乃長司馬公蘊經濟公欲設施謀猷入告尚友君陳施措而宜何適不可有炳丹青有儼紳笏運籌帷幄子房其人潭潭相府屹屹麟閣曰忠曰勤以勲以德民思龜筮國倚柱石何天不愁遽爾不淑漢礪雖在魏鑑已亡當宁興悲賻贈有章熊江白白鷄岳蒼蒼連山之原是公玄堂有豐其碑不朽者存我銘不諛詔爾後昆弘治三年八月日

議政府領議政上黨府院君韓公神道碑銘

並序

自古聖君明主之撫運開國也必有英雄豪傑同心同德之士左右宣力訏謨贊襄能成不世之功是以周宣中興而方召是佐漢光克復而賈鄧為輔我世祖之誕興也駕馭延攬豪傑景從而獻奇畫策贊成大業則上黨韓忠成公為之第一公諱明滄字子濬韓本清州大姓遠祖諱蘭佐麗祖封三韓功臣世濟其美曰諱康仕高宗朝為太常禮儀院事曰諱謝奇僉議右諫議大夫曰諱渥三韓三重上黨府院君曰諱公義政堂文學曰諱脩判厚德府事贈左議政於公為曾祖生諱尚質都評議司使贈左贊成生監察諱起是公皇考以公勲贈純忠積德秉義補祚功臣大臣輔國崇祿大

夫議政府領議政上黨府院君皇妣貞敬夫人李氏驪興望族藝文館大提學遜之女永樂乙未十月己丑生公大夫人姓公纔七月而生四體初未具一家欲不舉有老婢置敗絮中護視甚勤過數月漸就岐嶷腹背有黑誌象星文人皆異之早喪怙恃落魄不振往依從祖察判尚德察判曰此兒器宇不凡終必興吾家者公自幼好讀書學舉業然年齒已壯屢屈場屋怡然自處不屑屑於意或有問者則曰士君子窮達有命何必效腐儒俗士眊眊悲傷者耶與吉昌權公擘結為死友相得之懽雖管鮑不及與權志同氣合不治產業嘯傲山水有或自適終歲忘返於聲利淡如公嘗戲吉昌

曰文章道德予固讓君至於經綸事業吾豈多讓允發於議論卓犖奇偉人皆以大器目之歲壬申公年三十八補敬德宮直時顯陵昇遐幼冲在位權姦用事國勢危疑公常懷憤世之志一日語吉昌曰時勢至此安平睥睨神器陰結大臣為之聲援群不逞之徒影附盤結禍亂之作不朝則夕君獨無一念及此乎吉昌曰君計得矣計將安出公曰平定禍亂非濟世撥亂之主不可首陽大君豁達同漢祖英武類唐宗天命所在昭然可知今子侍筆硯何不從容建白斷之於早乎吉昌以公畫策告世祖且曰韓生有幹局國士無雙今之管樂公欲守延陵之節則已如欲平治斯世非生不可

世祖急命召公公幅巾入謁 世祖一見如舊遽
前握手曰何相遇之晚今 主上雖幼如能夾輔
可以守成大臣儉邪携貳於瑤以負先王托孤之
意祖宗先靈將置何地言訖涕下公亦慷慨極陳
反正之策 世祖曰於形孤勢弱何公曰明公以
宗室之胄為社稷討亂賊名正言順萬無不濟之
理古語曰當斷不斷反受其殃願公三思 世祖
曰卿勿多言吾計決矣自是凡秘計密謀皆委公
指畫公曰漢高雖任用良平而制勝則用韓彭
宗雖任用房杜而戰伐則用糜鄒遂薦武臣有勇
略者數十人癸酉十月將舉義兵有一二持疑沮
眾者公拔劍大言曰有生必死人所難免死於社

稷不猶愈於徒死者乎敢有異者斬於是招集義士
遂除元惡髮櫛苗耨夷靖大難是雖出於 世廟
英謀睿斷而運籌決策之功公實居多遂擢軍器
判官俄遷司僕少尹策勲賜輸忠衛社協策靖難
功臣之號甲戌拜承政院同副承旨乙亥六月
世祖即位賜號同德佐翼功臣陞右副丙子五月
帝遣太監尹鳳賜冠服 世祖將以六月初一日
設謙廣延樓逆黨李壇成三問等約於是日舉大
事公啓廣延狹窄 世子宜勿赴燕雲劍諸將亦
不入侍 上可之三問之父勝佩雲劍直入公呵
止之逆黨知事不濟有欲先害公者三問曰大事
未成雖殺韓某何益翌日事露皆伏誅廣延之讎

請 世子不坐武士不入其深謀遠慮出入意表
元惡果不得售其奸是雖 祖宗陰隲扶佑之力
亦莫非公之忠誠默感於天而天亦相之也冬陞
都承旨常居帷幄密贊機政 上曰韓某吾之子
房也丁丑超授崇政使曹判書上黨君冬以請封
世子赴京戊寅移判兵曹時忠清慶尚全羅三道
不熟 命為巡察使盡心賑恤民賴以活先是綾
城君具致寬議建三道州縣犬牙相錯疆界不正
宜割大并小以就其中且慶尚道知世助羅等浦
蓮花浴花等島皆可罷公奏曰州縣錯置得大小
相維之制况畫界已久一朝變更民必騷擾且二
浦兩島許倭人捕魚給路引收稅譏察往來法莫

善焉今罷之是撤藩籬而納虎豹恐有邊患議遂
寢綾城又建議吾東方當三國鼎峙之時國各有
十萬兵本朝盡有其地而軍額反不及請盡刷漏
戶隱丁編之行伍 上從之有司務欲增額一家
十丁簽九為兵民不能堪公啓兵務精不必務多
請停之 上稱善物議皆快而軍籍已修未易猝
變其弊至今猶有存者己卯為江原黃海平安咸
吉道都體察使撫禦措置動中機會重書廢之階
加崇祿庚辰 上西幸公迎謁道左 上勞慰諄
切駕至順安將還公請扈從 上曰卿國之長城
不可動搖其往鎮之辛巳陞輔國崇祿上黨府院
君兼判兵曹國家自庚辰北征以後諸種野人蜂

屯蟻結乘機竊發邊境多虞 上赫怒欲親征公
啓叢余小醜不必煩聖武臣雖驚恟足以制之
上曰予之倚卿屹若長城卿其行矣更無北顧之
憂當陞辭公曰臣奉睿美從事有何難處但願計
降不徒事首級 上曰聞外之事任卿自為公到
六鎮大修攻具先示威武令謀者語賊曰保妻子
愛廬舍人情所同汝豈無是心汝若速降則已不
然當深入搗巢殄殲為期酋來謁曰子有罪父當
答若能改過撫之可也願公活我公待之如初
諸種野人相率款附 上喜曰不戰而屈人兵善
之善也壬午夏拜大匡輔國崇祿大夫議政府右
議政仍兼四道體察使癸未陞左議政將巡四道

命東宮餞普濟院甲申公啓義州下流無鎮如
有賊變孤城無援熙川永興相距甚遠脫有不虞
勢難遙救置麟山鎮於義州下流寧遠郡於熙川
永興之間似為便益 上從之丙戌陞領議政兼
藝文館弘文館春秋館觀象監事 世子師尋以
病辭不允丁亥秋公病辭往溫泉 命世子餞于
濟川亭 睿宗即祚承遺教命一二大臣輪直政
院叅決庶務一日慧見公啓天變可惧昌德宮無
城禁禦踈虞宜令重臣領兵入衛未幾南怡康純
謀反伏誅策勲賜定難翎戴功臣之號己丑春復
拜領議政秋乞辭封上黨君修 世祖實祿冬
睿宗昇遐 殿下入承大統 貞熹王后權同聽

斷命無判吏兵二曹公力辭后曰先王謂卿社稷之臣今國恤相仍人心惶遽非大臣自安之時卿忘先王之恩耶公垂涕曰此身未死圖報國恩但老臣才疎權重恐誤國事后知公志堅只命無兵判公盡心機務雖非兵政所管無不建白辛卯策勲賜純誠明亮經濟弘化佐理功臣鐵券甲午拜左議政尋辭之乙未以謝恩使赴京竣事而還嘗有獻議者欲革永安南道節度使命羣臣議僉曰當革公獨曰置南道所以應援北道當施愛之亂若有南道與北道響應表裡相制彼小豎如探囊中物耳何足置牙齒間幾失此機會賊勢彌漫深可扼腕世廟創置本意非淺見私智所能

測欲革之議臣未知其可上曰然一日公從容啓曰成均館養育人才之地書籍罕儲學官儒生考閱為難請建書閣上允之命立閣于明倫堂北閣既成賜內藏五經四書各十件又諭典校署八道隨書板所在打印粘續以送於是經史諸子雜書無慮數萬卷公又出私帑助費士林稱羨之已亥天朝將討建州衛勅平國助順命魚有沼領兵赴之時江水未合雪深路險罷兵而還公啓本國自祖宗以來至誠事大中國亦待之無外今不赴救非徒失藩屏捍衛之義恐中國之有後議臣願更遣重將赴之命羣臣議皆曰不可再舉公固執不可曰議者論自安之計老臣所重國

家大體敵王所愾在所當急不可緩也願 殿下
留思遂 命右議政尹弼商往征大捷而還 上
謂公曰用卿之策再舉成功予甚嘉之賞賚便蕃
庚子以封 王妣及弓角等事赴京敷奏得宜帝
慰諭曰老韓忠誠正直之士奏皆蒙俞癸卯春以
請封 世子赴京是歲公年六十九有萬里之行
人皆危之公曰人臣荷重恩食厚祿雖馬革裹尸
死於王事尚且不辭况朝覲觀光者乎人皆壯之
上御思政殿以餞至京師帝聞公至曰忠直老韓
復來矣賜犀帶彩段白金及其還遣中使餞通州
皇眷至重前古所無公嘗啓 祖宗朝公江上下
等長城功鉅未畢臣意以為宜復脩舉 上遣左

議政洪應監等城秋以老乞辭 不許賜御札曰
功勳冠乎累世才識鳴於一代事君以一心憂國
以百慮議論思之則有稽言語驗之則必中元老
在朝國之榮華股肱宣力君之賴倚嬰疾雖久賜
藥亦多勉自調養以副眷懷若然則卿有告老之
安我免棄舊之過甲辰春以七十致仕 不允賜
几杖乙巳春往浴豐德村庄 上遣中使賜酒饌
勞慰仍 御札有卿國之元勳人之耆德在社稷
已作於天柱當眇躬實賴於益梅之語丁未又浴
豐德 御札勞慰亦如之冬寢疾 上遣內醫治
療日遣中使問候及疾劇遣承旨問所欲言對曰
聖上超出百王願臣愚昧有何所言但身先朝露

永辭昭代惟此介介耳續遣中使問之時公瞑目欲
絕聞中使至加冠帶於身作喉中語曰 聖明至
矣然始勤終怠人情之常願慎終如始言訖而絕
享年七十三 上震悼減膳輟朝遣中使吊慰曰
卿勲德蓋世非他臣之比况於寡躬義同一家痛
悼之情寧有既耶賜賻祭加等命百官會奠聞公
之卒遠近莫不痛悼至於牛童馬卒亦皆歎惜公
氣宇寬弘思慮深遠魁顏偉幹望之屹然其未達
也結納豪傑規模氣槩卓爾不羣人皆以公輔期
之久居下僚怡然自得其遭遇 世廟為股肱
心膂運籌決策夷靖大難自布衣不數年致位宰
輔論決大事處之裕如政務大體不事瑣尾應事

三朝出入將相四首麟閣而功高百世五長巖廊
而名蓋一時又以戚里之親為國舅之尊功成而
不自居位高而心轉小為國柱石係國家安危者
餘二十年功名富貴福履之盛今古無比晚年以
盛滿自戒構亭城南扁曰狎鷗欲乞骸告老 御
製近體絕句賜之者亦再奎璧昭回亭額增輝朝
臣應製者無慮六十餘人中朝文士亦多題詠者
聖眷日深卒未償乞退之志公居寵思危克全終
始求之於古鮮有其傳嗚呼盛哉公配黃驪府夫
人閔氏 贈右議政大生之女生一男四女男曰
塏登武科叅佐理功臣封琅城君女長適奉禮申
澍次適鈴川君尹磻次 章順王后葬恭陵次

恭惠王后葬順陵皆早薨副室生七男六女琅城
娶左叅贊李瑱之女生三男二女長曰景琦女適
李光餘幼奉禮生三男曰從洽軍器僉正曰從沃
戶曹正即曰從漢弘文館直提學鈴川生二男五
女男曰秀岡曰秀崙女長適洪義孫次適李守諒
次適文眉壽次適梁淑 恭陵誕仁城大君戊申
正月丙午葬清州長命里壬坐丙向之原既葬琅
城具行狀請神道嗚呼居正尚忍銘諸居正年未
冠謁泰齋柳先生於北原摠衣受業未幾公與吉
昌繼來與之同處討論商確閱數年遂托忘年交
居正僥倖最先登第公與吉昌久屈不伸及兩公
同捷勲盟位崇台鼎居正短拙不振因兩公薦引

得至今日吉昌早逝歲寒交道惟與我而已公平
素每以後事囑居正今則山頽梁壞無復可仰略
述公平生勲德之梗槩銘之繼之以淚悲哉銘曰
天地鍾英山河間氣命世之才經國之器公昔未
遇東山其志時哉屈伸南陽之龍遭遇 世廟千
載竒逢運籌決策贊成大業撐天貫日昭我忠赤
礪山帶河有炳勲烈潭潭相府我我麟閣出將入
相為國柱石身佩安危與國休戚年踰七旬享福
無疆伯仲潞國終始汾陽天奪何遽一鑑云亡雖
則云亡不朽者存懋德懋功曰忠曰勤孰揚厥美
簡策煌煌瞻彼西原是公玄堂天降之祥子孫其
昌厥或不信眎我銘章

輸忠勁節佐翼定難翊戴純誠明亮經濟佐
理功臣大臣輔國崇祿大夫蓬原府院君無
領 經筵事 贈謚忠貞鄭公神道碑銘序

星嶽精英之氣鍾於人而為命世豪傑之才蓋箕
宿之精降而為傳說為商良弼嵩岳之靈降而為
申伯為周賢佐求之於今蓬原鄭忠貞公弼亮五
朝功名勲烈之盛可以伯仲於傅申猗歟盛哉公
諱昌孫字孝仲皇曾祖諱良生重大匡蓬原君皇
祖諱符嘉善大夫漢城府尹 贈議政府左贊成
皇考諱欽之資憲大夫中樞院事謚文景公 贈
純忠積德補祚功臣六匡輔國崇祿大夫領議政
府事萊山府院君皇妣貞敬大夫人崔氏全州望

族刑曹典書丙禮之女以洪武壬午三月甲午生
公生而器度與凡兒迥異及長就學博聞強記嗜
詩書能文章癸卯中司馬試宣德丙午中第補承
文院正字俄遷授集賢殿著作郎歷博士修撰轉
至校理皆帶經筵知製教 世宗設集賢殿置負
二十人妙選一時文學之士充之備顧問演綸綍
高步花磚昵承睿眷時人擬之登瀛洲 世宗嘗
留意於資治通鑑謂其箋釋未盡句讀不明命文
士撰訓義皆才學識鑑之士分科責成繙閱紬復
各盡所長而纂修之功公實居多己未丁內憂服
闋授司瞻寺令陞集賢殿應教帶經筵春秋館又
命文士聚於集賢殿撰上自唐虞三代下至宋元

及我東國聖帝明王名臣碩輔善故善教可為後
世法者編為巨帙凡數百卷名曰治平要覽纂修
之功公亦居多 世宗末年稍違豫 文宗在東
邱視事朝官言事者必上封章乃達時公與李文
烈公季向在集賢殿屢封章極論時政得失有一
二同列止之曰自古善論事者終必陷禍况侍從
講論德義啓沃輔道而已至於諫諍非職公與文
烈大笑曰人各有心論事之敗之榮不如舍嘿之
恥之深遂率下僚抗疏極陳餘數十上 世宗嘉
之乙丑擢司憲府執義慷慨骨鯁知無不言前此
公之伯氏貞節公甲孫長憲府激濁揚清直道不
撓風節凜然人比之獨擊鷲今公正色立朝謇諤

亮直有乃凡風一時物論多之丙寅以言事遷左
為軍器副正移直藝文館丁卯中覆試授集賢殿
直提學兼經筵春秋館戊辰五月擢副提學館職
如舊 世宗命臣鄭獬趾等撰修高麗史公以編
修官專掌編次不幸書未進御而陟遐 文宗命
史局畢撰公益勤不怠庚午擢授承政院左副承
旨兼知禮曹事轉至右出納惟允八月進高麗全
史賜鞍馬表裡卒未拜司憲府大司憲階嘉善大
振臺綱論事切至不避權貴人皆畏憚曰前日搏
擊鄭中丞今復為憲長矣兼世子左副賓客壬申
遷藝文提學同知春秋館撰 世宗文宗實錄賜
鞍馬 顯陵陔遐幼冲在位權奸用事國勢艱危公

奉公守正癸酉十月 世祖炳幾靖亂謂左右曰
當今之時直亮簡正無如鄭某者擢為吏曹判書
陞資憲公之藻鑑清識甄別品題皆得其宜性又
廉潔雖權勢赫然而門庭蕭索關節不到士林嘆
服乙亥 世祖即位謂政府大臣宜用讀書稽古
持大體者擢公為議政府左贊成兼判吏曹策勲
佐翼功臣三等封蓬原君丙子六月成三問等潛
謀不軌公知其謀上變當是時逆黨盤結禍難之
作不朝則夕賴公剪除無有孽芽於其間者策勲
陞佐翼二等加輔國崇祿大夫蓬原府院君無成
均館大司成世子貳師蓋典文衡也十月擢大匡
輔國崇祿大夫議政府右議政丁丑陞為左時大

夫人年高九袞公至誠榮養雖隆冬盛暑不廢宴
省朝謁之暇必具冠帶陪侍左右歡欣怡悅大夫
人平反一笑然後退一國皆稱其孝戊寅丁憂哀
毀過節 世祖遣近臣吊慰賻贈有加特停朝市
一日前此婦人無停朝之例此所以重公示異恩
也及葬廬墓不至私第 上遣官慰諭五十後氣
力漸衰慎勿廬墓 世祖將巡幸平安道起復為
領議政留守京都上箋辭不允又遣都承旨曹錫
文慰解之公固辭御札曰予之於卿猶左右手假
如此間多誤 一乎否安手執他而有所接物則否手
其能自以為不安而貽患於身乎大義如此不必
多言若不得則將率百官親往起復良相體此公

猶不就職俄傳巡幸唐辰服闋 上引八內殿天
語溫諄丁寧袞至賜衣一襲封蓬原府院君辛巳
拜領議政府事領藝文春秋館事 世子師壬午
五月以事謫礪山郡未幾召還復封蓬原府院君
乙酉命諸儒分授四書五經定口訣公受尚書議
論通暢多據前儒所未發戊子 睿宗即位南怡
等構亂伏誅策勲定難翊戴功臣我 殿下即祚
以公宿德耆艾日仕政院叅決庶務謂之院相兼
領經筵辛卯賜佐理功臣尋以七十乞致仕不允
壬辰遣臣賜几杖乙未拜議政府領議政至是公
三為首相縉紳士大夫相與慶於朝曰善人復相
矣公以盛滿屢乞辭 上曰三公之重非如卿老

成無以鎮之不允公居廟堂垂紳正笏不動聲色
屹如山嶽年俯九袞朝廷耆舊無出其右者人比
之宋丞相文彥博云乙巳固辭封府院君丁未遘
疾 上命賜藥餌遣內醫診視問訊不絕正月戊
辰卒于正寢享年八十有六 上震悼墮淚良久
進素饌輟朝市三日遣中使臨吊 上曰蓬原家
素清貧允喪葬所乏具由輒聞毋使有缺賻贈倍
加太常易名忠貞聞公之卒士林莫不痛悼曰賢
宰相亡矣至於牛童馬卒莫不嘆惜公資性簡嚴
高邁廉公正直學問該博文章典雅筆法妙絕為
一代之冠平生不事產業雖位極人臣居家索然
居官履事明白正大贈遺無所受請謁不得行

人不敢干以私友於兄弟信於朋友親戚故舊喪
奠婚姻無不賑卹接人以恭雖下士之賤有來候
者必於門外送迎天性然也世祖深加眷注嘗
曰予之敬卿無異叔父公如進爵上必改容下
御座曰此非君臣大義乃展私禮也仍宣諭在座
群臣公性不能酒座上為設醴必親嘗賜之至年
深難於趨拜或命免拜上殿其尊禮敬重如此公
立朝六十二年主試圍者數十掌銓衡者四年三
為首相係國家輕重者三十餘年居寵恩危克全
終始功名福祿之盛今古無比舉國皆稱道德之
首配清風郡夫人鄭氏承寧府少尹持之女生三
男三女男長曰介僉知中樞次曰偁僉知中樞次

曰恬中乙酉科為議政府右贊成女長適上洛府
院君金瓚次適勿學崔直次適僉正趙允璧僉知
娶郡事洪瑞從之女生二男二女長奏咸主簿次
塔咸司正女長適司果李克文次適効力副尉尹
儉次僉知娶崔季謙之女無子贊成娶府使李緊
之女生一男曰宗輔奉事女三長適叅奉李益禧
次適直長沈澗次適叅奉尹堞上洛生五男曰義
童僉樞曰禮童主簿曰知童僉正曰成童縣監曰
利童司果女一適宗室富林君湜崔直生一男曰
溜縣令女適部將尹超僉正生二男曰瑛曰珪生
負女長適生負李詩讚次適郡守呂承堪次適勿
學朴亨性次適通仕郎李長源餘勿曾玄孫七十

有餘人是年四月壬申葬于廣州之西芳槎洞癸
坐丁向之原夫人先公卒塋域在西崗相距不過
百餘步明年戊申正月諸孤欲立神道碑索銘於
居正嗚呼居正尚忍銘諸居正中戊午進士登丁
丑覆試皆出公門下公之在集賢殿居正叨參席
末者數年及公之三入廟堂居正三為參贊非為
贊成忝僚貳者亦將十年攀附驥尾於公之德之
風獲聞緒餘服膺景慕今則山頽梁壞無復可仰
嗚呼哀哉銘曰 天地組緼奎壁晶熒公乃挺生
公又斐英光風霽月豁中心宵泰山北斗巍乎儀
容早際昌辰風虎雲龍歷事五朝千載奇逢踐揚
臺館登金步玉三長巖廊四圖麟閣詩謨贊襄經

綸黼黻以亭以毒乃設乃施何適不可時措而宜
耆舊老成潞國其人功名終始汾陽其倫曰鳳其
祥匪龜而神人思柱石國倚益梅何天不憇遽爾
山頽魏鑑雖亡漢礪可倚曰忠曰貞昭哉謚誅有
壽廣陵有截玄宮有崇者碑有聲颯颯

左議政文僖申公神道碑銘并序

正統十一年歲在丙寅正月癸酉議政府左議政
寅齋申先生以病卒于第享年七十三太常謚曰
文僖公有司供養事如典故三月某甲窆于平山
府金剛之原壬申夏四月配享 世宗廟庭公諱
槩字子格申氏系出春州遠祖崇謙佐高麗太祖
勲居第一賜鄉平山府世濟其美多達官聞人皇
曾祖諱仲明登第校國子博士都官直郎以公勲
贈兵曹叅議直郎生典理判書寶文閣大提學諱
諱 贈吏曹判書典理生宗簿令諱晏 贈議政
府左議政於公為皇考娶三重大匡門下贊成事
任世正之女以洪武甲寅四月己亥生公自幼疑

然如成人公早鞠於外姑元氏公年甫三歲窓辟
有畫墁元氏聚羣兒詰之羣兒爭辨公獨不言指
身長長不及者果尺許元氏異之曰與吾門者必
此寧馨也年十三始讀書有大志力學不倦年十
七中庚午進士生負兩科癸酉登丙科及第平壤
伯趙文忠公一見大加賞異曰公輔器也乙亥選
授翰林 太祖欲見實錄公抗疏論不可 太祖
止之庚辰拜司憲府監察遷門下拾遺歷刑戶二
曹佐郎出為忠清都事俄知仁州事秩滿除司諫
院獻納轉至吏曹正郎兼議政府檢詳例陞為舍
人由舍人拜藝文館提學由藝文判承文院事癸
巳擢司諫院右司諫大夫兼春秋館編修官知製

教公在諫院見事風生知無不言請行各品署謝
之法物論多之時政府署事權在大臣公上疏極
諫不可辭甚愷切 太宗親讀疏顧左右曰豎儒
不識事體妄言大臣擅權公論下不屈大臣皆股
慄未幾罷議政府署事甲午元日 太宗宴 恭
靖王于內殿賜大臣宴于政府內宴已畢 太宗
送 恭靖王于闕門外政府方宴動樂聲徹御所
劾不敬大臣啓曰臣等蒙君之賜極歡為榮諫官
論以不敬惶恐待罪言頗侵公憲府亦以為不可
上雖直公重違大臣遂違公職公以剛直屢折大
臣時論避之 上常曰槩有諫臣風四月擢拜禮
曹叅議俄遷兵曹冬陞嘉善忠清道觀察使時獄

四有文集補遺一
囚七人被誣逮死人皆稱冤公乃平反雪之人服其明召拜漢城府尹遷工曹叅判集賢殿提學丁酉以皇太子節日使赴京八月丁內憂服闋屢徵以親老辭庚子丁外憂壬寅世宗召拜黃海道觀察使時一道飢荒民多餓殍公親齎糶糧酒漿衣纒出入閭落以賑窮乏民賴全活甲辰加嘉義出牧晉州尋以病辭乙巳以慶尚道觀察使召拜刑曹叅判以事貶江陰縣庚戌拜資憲大夫左軍都摠制兼全羅道觀察使七月移藝文館大提學仍帶觀察使辛亥拜司憲府大司憲謬有憲臣體遷中軍都摠制修文殿提學世子右賓客甲寅冬以謝恩使赴京乙卯春加正憲刑曹判書尋以

病辭移中樞府事竇文閣大提學九月復判刑曹丙辰四月拜議政府右叅贊知春秋館事世子右賓客仍命修高麗史六月陞崇政贊成事時婆猪江野人李滿住構邊釁朝廷方議處置公上䟽請伐備盡籌策上深嘉納之世宗在位三十年勸精圖治制禮作樂修文偃武朝廷大治公在政府上方銳意貢法築城募民之事機務悉衆屢召公內殿論事公應對詳敏議論精切上皆依任眷注日隆舊制三公狎班開印贊成以下不與至是始命贊成三公有故代行又遣承旨就第論事盖寵之也戊午兼判吏曹事世子二師己未進崇祿六月特授大匡輔國崇祿大夫議政府右議政

領集賢殿經筵事監春秋館事公謝曰臣無汗馬之勞智略淺短不堪重任請辭上曰此非予意太宗遺教也秋掌別試取崔敬身等十五人庚申加世子傅辛酉掌禮園取李石亨等三十三人冬以雷變辭不允癸亥以年七十辭又不允甲子夏賜几杖乙丑進左議政冬十月遘疾上遣醫診視珍賜絡繹衆藥不效遂卒訃聞上震悼輟朝三日賻贈甚加王世子亦致賻祭公之哀榮可謂至矣公天姿明敏學問精詳端方有守清介無華自筮仕備歷中外居官莅事施無不可在臺諫封章抗疏有古爭臣風位長六卿政務寬簡持大體入政府咄咄以國事為心朝度暮思獻可替否有

大建白言聽計行賁歸太平公之為相可無愧於古人者矣居家廉潔關節不行平生未嘗佞佛喪祭一遵家禮待親戚故舊出於至誠僕隸有過不加鞭笞雖子弟未嘗見其疾言遽色嘗書言忠信行篤敬小心翼翼對越上帝十四字示三子而教之曰爾輩宜當服膺勿失余非曰能之但士君子之心當以此為的耳為文高古簡潔不喜詞賦自立朝以來疏章奏議前後數百無點綴皆切時務但為功名政事所掩人不暇譽矣所著詩文若干卷公先娶一室卒無后再娶郡事金可銘之女封貞敬夫人後公一年卒附公墓右生三子長曰自準忠清道觀察使次曰自繩成均館大司成次曰

自衡司憲府執義觀察使娶護軍李慎全之女生
三男曰叔平庶尹曰仲平曰末平宗親府典籤女
三俞渾生貞鄭仁昌尹俊元大司成娶宜山君南
暉之女生九男曰叔權郡守曰叔楨掌令曰叔模
曰叔椀曰叔檜判官曰叔彬曰叔根全州府尹曰
叔枝參奉女四金錫祚大護軍李敷僉知郭垠潭
陽府使南宮瓚監司執義娶領中樞院事李順義
之女生二男曰鎬護軍曰銖別坐女牟陽都正銘
曰

維岳降神寔生偉人猗歟文僖為國蓋臣公有所
蘊公遇其時大展厥才乃設乃施諫諍諤諤古之
遺直匪躬謇謇王臣之節進宅百揆功存納麓蒼

崔文靖公碑銘并序

沃獻替蔚有嘉績柱石其重著龜其神我思古人
鑑亡言存升配 太室昭哉厥勲瞻彼平山有蔚
古堦峨峨崇碑泐泐厥聲謂我不信請觀我銘
星嶽之氣鍾於人而為英雄豪傑蓋長庚之精峨
眉之神降而佐命世之才其文章足以昭回雲漢
衣被草木其功業足以黼黻王猷扶植治化利澤
施于一時聲名昭于後世如祥麟瑞鳳間世而出
寧城崔文靖公其殆庶幾乎公諱恒字貞父朔寧
人皇曾祖諱忠生潤文潤文生士柔於公為皇考
寬厚長者年十八連中己卯生貞進士兩科中壬
午文科歷藝文春秋臺諫郎曹至成均司藝以疾

辭日以經史自娛年踰八袞康強無恙教兒孫以詩禮人皆曰崔君長者有大蘊不大厥施其興也當在後嗣乎配曰吳氏宗簿寺事燮忠之女以永樂己丑十二月壬辰生公公自髫髻聰明絕類知讀書能自刻勵淹貫經史大有所得善屬文浩汗發越有作者氣先府君曰吾兒骨法異常終非小成者天其或者大興吾門乎宣德甲寅 英陵臨雍策士擢公第一授宣教郎集賢殿副修撰知制教 經筵司經典修資治綱目通鑑訓義止齋權文景公深器之以姊子妻之每見著述嘆曰吾東方文體萎蕭日就卑下能以古文發揚振起者必此人也有衣鉢當傳之句乃用范魯公質古事止

齋亦甲午大魁也 英陵開史局 命臣鄭麟趾等撰高麗史公亦與修 顯陵在東邸 英陵選名儒補宮官公首被簡拔為左司經自副修撰累轉至直殿兼藝文應教 英陵初制諺文神思睿智高出百王集賢諸儒合辭陳其不可至有抗疏極論者 英陵命公及申文忠公叔舟等掌其事佐訓民正音東國正韻等書吾東方語音始定雖規模措置皆稟 睿旨而公之協贊亦多丁卯中覆試筭五名授直提學 世子右輔德階奉正時英陵倦勤 顯陵監撫書筵官掌出納公啓浚獻替補益弘多 英陵命臣金汶金鉤及公等定小學四書五經口訣居正亦與其後每見諸君講論

同異公議論發越諸君咸推讓之 顯陵即位授
司諫院左司諫大夫辛未進集賢殿副提學撰修
世宗實錄壬申擢承政院同副承旨轉至左副
顯陵陟遐幼冲在位國勢疑危公居左右宥密
之地周旋其間出納惟謹癸酉 光陵炳幾靖難
公適直禁內協贊之功亦多陞為都承旨尋賜輸
忠衛社協贊靖難功臣之號甲戌拜吏曹參判寧
城君階嘉善明年遷大司憲 光陵輔政逆黨挾
前憾潛結內豎窺覷百端雖事露伏辜餘孽盤據
尚未剪除公援据古義剴切利病陳數十事皆蒙
允可六月 光陵即位賜佐翼功臣之號秋丁
內憂丁丑服闋除戶曹參判尋移吏曹戊寅陞刑

曹判書又移工曹階資憲 昌陵在東宮開書筵
光陵曰輔養儲德非老成不可 命公為賓客
冬丁外憂明年 命起復公三上書請終制辭甚
懇至不允除中樞院使 世子左賓客兼成均大
司成階正憲 光陵親製訓辭授 昌陵 命公
注解公逐條分注節目詳盡又引諸儒之說論斷
辭旨通暢 上甚嘉悅庚辰陞吏曹判書階崇政
癸未遷議政府右叅贊明年陞為左兼 世子貳
師 光陵嘗歎東方學者語音不正句讀不明雖
有權近鄭夢周口訣紕繆尚多腐儒俗士傳訛承
誤遂 命臣鄭麟趾申叔舟丘從直金禮蒙韓繼
禧及公與臣居正等分授五經四書考古證今定

口訣以進 光陵又召會諸臣講論同異親加
睿裁公在左右每承顧問毫分縷析應對如響皆
愜衆意 光陵目左右曰真天才也丙戌進階崇
祿兼判兵曹事公辭以兵戎機務非臣迂腐所堪
言甚切至不允陞左贊成加輔國丁亥擢大匡輔
國崇祿大夫議政府右議政兼春秋館監事五月
轉左議政九月陞領議政兼領藝文館弘文館春
秋館觀象監事屢以盛滿辭還封寧城府院君戊
子 昌陵即位加領 經筵事初 光陵 命公
撰經國大典刑戶二典已撰進四典未及告成至
是畢撰以進 昌陵嘉之 命刊以頒今 上即
位圖任老成仍領 經筵事日接顧問尊禮尤重

庚寅撰歷代帝王后妃明鑑以進辛卯賜純誠明
亮經濟弘化佐理功臣之號是年冬再入相為左
議政兼 經筵春秋撰 世祖睿宗實錄以進
上賜鞍馬褒美之癸巳夏大水公以陰陽愆伏責
在三公乞辭甚切 不允甲午夏四月公稍違和
二十八日壬午具冠帶將赴衙暴疾 上遣內醫
賫藥餌治療不效遂卒享年六十六 上震悼贈
賻有加太常謚曰文靖是年閏六月壬寅窆于廣
州治東丁峴巽坐乾向之原自公之逝朝廷士大
夫以至牛童馬卒莫不嘆惜曰正人亡矣公性謙
恭簡靜端介無華立身行己常持正不撓平居雖
隆冬盛夏終日正冠危坐不設惰容雖造次未嘗

疾言遽色奉公守正憂國如家再入相政務寬大
不喜更張與人言常先示退損不自表襮又不立
崖岸自異至如朝廷議論臨決大事確不可犯居
家清白關節不到不通聲色不事產業淡如也遇
事常加三思立朝四十年一不被公劾自登筮至
台輔常無館閣未嘗一日寄外慨然以斯道為已
任為文章不蹈古人畦畛自出機杼大放以肆雄
豪富瞻如長江大河滔滔汨汨百折逶迤勢不能
止尤工於駢儷屢掌文闈得人甚盛凡朝廷事大
表箋高文大冊皆出其手華人每稱我國表詞精
切皆公所著也 上方倚任畱治天不憖遺遽至
於斯可勝痛哉公娶純忠補祚功臣輔國崇祿大

夫達川府院君徐彌性之女封貞敬夫人即居正
之姊也生二男四女男長曰永潏中壬午司馬科
丙戌文科刑曹參議次曰永灝中丁酉文科司道
寺正女長適掌樂院僉正鄭涵次適通禮院引儀
文簡次適司僕寺判官李鈞次適社稷署參奉申
銖永潏娶大護軍李孝林之女生一男曰秀英後
娶觀察使朴健順之女生二男曰秀雄秀傑永灝
娶雞林君鄭孝常之女生二男鄭涵生二男二女
文簡生二男三女李鈞生一女申銖生一男皆幼
嗚呼居正尚忍銘公之碑乎初公之歸我家也居
正年尚幼憐我早孤耳提面誘以擊我蒙及居正
釋褐登筮忝僚集賢者十年又陪侍館閣數十餘

年居正以不才繼公主盟斯文以衣鉢傳一家時
人稱之我不敢當公則無愧嗚呼居正尚忍銘公
之碑乎銘曰

天地網緼奎璧昭回渾淪旁礴寔生竒才堂堂寧
城間世之雄歷事五朝遭遇顯隆踐揚臺閣登
金步玉學問深邃文章卓犖上追屈宋下友馬班
曰蘇曰歐伯仲之間論思廣廈晉接日三堯舜其
君稷禹其心再入崑廊三圖麟閣大展厥才迺施
迺設經綸化育以亭以毒惟德之盛惟功之懋何
捨之萎何仁不壽天奪其遽一鑑云亡雖則云亡
所存者長天未喪文典刑具存刻此貞珉昭示後
昆

推忠定難翼戴純誠明亮經濟佐理功臣崇
祿大夫議政府左贊成西平君贈謚文靖公

韓公神道碑銘 並序

嗚呼居正尚忍銘公之碑乎居正年十五遊學宮
公弟於我三歲年十二頭角嶄然讀書通大義亦
來赴學因與之托交童稚情親非面也心也年雖
長交道不衰居正僥倖先公登第選入集賢殿越
四年公擢第又忝僚友同居侍從出入聯裾者十
有餘年交誼益篤私竊謂生我者親知我者公公
今已矣嗚呼痛哉公之諸孤泣請居正曰知先君
莫如先生較德不朽亦惟先生是望居正泫然流
涕可忍銘諸謹按公姓韓諱繼禧字子順韓本西

原大族遠祖諱蘭三韓功臣世濟其美有諱曰渥
佐高麗忠肅王位冢宰謚思肅生清城君諱公義
謚平簡生重大匡右文館大提學諱脩文章道德
師範一時謚文敬生右政丞諱尚敬謚文簡生成
吉道觀察使諱惠是公皇考壽不滿德種德遺後
皇妣貞敬夫人成氏亦昌寧著姓判中樞達生之
女以永樂癸卯九月乙巳生公公生而穎異性又
端重不妄笑語動止從容中禮屹若成人稍長知
讀書寢食忘疲學日就正統辛酉中進士科入胄
監以平日所得所疑者質之賢師友研精覃思欲
究底蘊不得不止由是所見益高所得益精大為
儕輩所推丁卯擢第補承文院正字俄選集賢殿

正字轉至副修撰知製 教常兼 經筵官再轉
至副校理時 世宗留意典籍建藏書閣購求中
國四方諸書充溢棟宇公居常披閱無書不讀博
覽廣記磊落載腹人或比之世南秘書平時公暇
朋僚盍簪高談異論英藻遶護公獨端坐正色手
執一卷目注心想不左右酬答一座嚴憚非中有
所主心不馳於外者能然乎 世祖在龍潛見公
深器重之乙亥登寶位眷注殊異 懷簡王在東
邸 上命公輔導授 世子右文學丙子夏陞左
弼善階中訓冬拜司憲執義丁丑春遷藝文館直
提學知製 教兼春秋館記注官秋移通訓 世
子右輔德館職如舊及 睿宗繼貳極 上又命

公獨於內殿侍講禪補弘多戊寅正月加通政左
輔德二月擢兵曹知事俄陞叅議九月丁內艱公
早失先君事大夫入篤孝又能立揚以悅其心大
夫人因公貴封爵又屢被內恩一族榮之及卒哀
毀盡禮庚辰起復為承政院右承旨辭不獲辛巳
春轉至左秋陞嘉善工曹叅判尋移中樞院副使
壬午夏轉吏曹叅判 世子右副賓客一日 上
違豫命公入侍 睿宗年幼允屬後事一委於公
雖宗戚近侍亦莫得聞公親調藥餌 聖體平善
寵賚稠重癸未授仁順府尹 上以公學問精邃
勤謹奉公允經籍典章裒集纂述委任責成公日
慎一日中罹疾恙瀕死者數 上甚軫慮手製祈

文禱之病間召見便殿謂公曰汝憐我心我憐汝
色我嘗病卿嘗救之卿今病我亦憂之其憂之也
深故至不欲聞卿姓名不圖今日得見卿面勞慰
甚至其得 聖眷如此乙酉擢吏曹判書陞資憲
公啓曰以臣不才待罪銓衡常開閣廼訪士大夫
品題人物尚恐不能甄拔賢愚况今設循資之格
嚴奔競之禁是使聾瞽辨聲色乞罷之 上曰誠
如卿言然王者立法垂憲萬世使繼卿者皆卿則
可非卿不可夏加正憲公之在選部注擬人物一
出至公黜奔競抑僥倖其所甄拔皆一時名士朝
臣或有為子弟求官者公不甚拒之曰古人云內
舉不廢親子弟尚賢則言之者非過而用之者非

私苟以謂膏梁子弟而稍存形跡非知用人之大體者也於是隨其子弟之賢否而用舍之人服其度量然不以私恩貸親舊門庭蕭然關節不到物論多之丙戌加崇政公以銓曹政柄所在不宜久竊招衆謗屢乞辭 上曰掌選重任非卿不諧其勿固辭丁未移中樞府事夏逢臣李施愛煽亂東北殺節度使觀察使守令據吉州叛又欲謀害在庭大臣飛語 上聞公名亦在其中 上召引羣臣咨議處置被告將相皆就私筭待罪公獨不知隨例而入中官止之公逡巡不敢進 上笑謂公曰卿來何後耶命與羣臣同議仍留禁中逾月遣還公之忠誠明白素著故雖在危嫌之地見信於

上如此自是常居帷幄謀議贊襄卒之元惡授首一方寧靖公之籌畫與有多焉戊子八月 上弗豫召公入侍越數十日 上疾大漸 世子侍側上謂 世子曰平日欲作如 祖訓條章者授汝今既不能略舉大槩一曰敬天事神二曰奉先思孝三曰節用愛民汝其體念毋壞我寡命遂命公導揚末命于 世子俯伏祗承 上又謂公曰知卿忠赤命卿輔幼子卿其不忘幼子幼子亦豈忘卿庶幾相濟九月某甲 上疾彌留召公諭以內禫之意公曰此大事勿煩 聖慮以靜調攝 上厲聲者再命公取大寶衮冕授 世子世子跪拜受出御正門受百官賀翌日 上昇遐自 上違

豫至于內禪事機蒼黃公在宥密周旋左右咸中
其宜非公篤悲之忠能然乎一日羣臣會議大
行廟號 睿宗命公諭羣臣曰先三功德隆高非
一二字可既欲上七八字無判禮曹朴元亨議加
二字 上怒曰誰立此議沮敗我意羣臣莫敢出
言公曰臣奉旨不稱致有此議臣實有罪 上霽
威公之謙恭自損類如此先是龜城君浚為都摠
管南怡為兵曹判書密啓浚宗室不宜典禁兵南
怡麗悍不可授兵柄 上嘉納即日皆罷 睿宗
初即位怡等果謀不軌伏辜浚亦廢策勲賜推忠
定難翼戴功臣鐵券封西平君己丑春加崇祿冬
十一月 睿宗上賓今 上入繼大統有定策勲

無知 經筵事辛卯賜功臣號曰純誠明亮經濟
佐理戊戌拜議政府左贊成公中年以後疾病沉
綿形容消瘦多時告謁怡養精神常自退挹若無意
於名宦者其高風雅量不可尚己壬寅七月病劇
累辭封西平君閏八月乙酉卒于正寢訃聞 上
震悼輟朝市賻贈有加太常易名文靖公資性簡
重操履端純平生立志毅然以古人自期學問精
詣識見高邁出乎辭氣發於議論者明白正大無
纖毫瑕類居官履事奉公守正清白自持與人語
先自退讓未嘗表襮崖異及臨決大事確不可犯
居家儉約自奉甚薄耳不聽絲竹目不睨粉黛圖
書一室淡如也知遇我 光陵千載奇逢寵極而

心愈小位高而志愈卑 列聖相承眷遇之勤有
隆無替公能砥礪名節保全終始嗚呼盛哉是年
十月庚寅寔于廣州南村靈長山東向之原與其
貞敬夫人同原異室夫人先公二十七年卒夫人
贈戶曹參判稽之女生四男曰士文通訓江華府
使曰士武通訓軍器主簿曰士信宣略司猛曰士
介朝奉尚衣院別坐女一適天安郡守李永禧庶
子二曰士粹曰士俊江華娶僉知金崇海之女生
一女適迪順副尉元畬後娶贈茂松君恠之女生
一女幼主簿娶縣監邊保之女生三男一女男長
曰承源次曰連源餘皆幼司猛娶直長李釘堅之
女生三男皆幼別坐娶僉知李有仁之女生二男

四佳文集補遺二

雜著類

進三國史節要箋

國可滅史不可滅惟治亂具在於簡編褒至公貶
亦至公其美惡難逃於筆削宜修往牒用勸後人
竊念紀事始於虞謨編年倣於魯史子長撰史紀
班固因而應代有全書温公作長編紫陽繼而通
鑑有綱目攷觀前史之體例不出二家之範圍惟
我日出之邦實是天作之地檀君並堯立肇建千
載之基箕子受周封丕闡八條之化滿起亡命而
址據準不圖存而南奔四郡因之瓜分三韓遂焉
鼎峙顧年代之已邈慨載籍之無聞新羅先起而

四庫全書
三姓相傳麗濟繼興而二國同祖或傳世踰於五
百或歷年幾於一千境壤惟其犬牙干戈是以糜
爛德齊地醜勢已難於合并唇亡齒寒禍實迫於
顛覆雖得失殷鑑之未遠迺文獻杞禮之不徵富
軾祖馬史而編摩所失者綴拾首補權近法麟經
而纂輯所病者因循雷同是不足傳信而傳疑亦
安能可法而可戒念惟制作之盛允屬隆泰之期
恭惟 世祖惠莊大王道合彌綸功侔造化挺堯
明舜哲之聖蕩蕩乎巍巍乎演周誥殷盤之辭灑
灑爾噩噩爾乃開史局仍簡儒臣爰取三國之舊
文俾倣長篇之遺法鈔槩未訖於金匱弓劍忽遺
於鼎湖今我 主上殿下德性在躬聰明稽古顯

我謨承我烈聿追先猷論其世考其人博究前代
乃降內府之秘籍趣成東觀之新書臣等才乏三
長慮何一得寄謬忝於撰述功未效於鋪張撫紀
志表傳而粗嘗討論究本末始終而妄加刪定祗
竭數載之力勒成一代之書凡事關國家之替隆
巨細畢舉而政繫生民之休戚詳略不遺雖文理
之或踈亦綱要之可採儻賜觀覽仍許頒行明燭
往事之是非今爲鑑而古亦爲鑑昭示來者之勸
戒善吾師而惡亦吾師

進東文選箋

功德巍乎難名治教既隆於前代文章煥焉可述
制作有待於明時肆輯新編庸塵睿覽竊念自結

繩變為書契而吾道寓於文辭虞典夏謨之精微
實百王傳授心法周誥殷盤之灑噩乃三代政教
時宜茲先王六經之並行與元氣四時而迭運然
時數有盛衰之異而文章有高下之殊南華十篇
書變化奇崛左氏一部傳泛濫浮夸章未喪於斯
文猶可尋於隳緒漢而唐唐而宋百家並興風變
騷變詩衆體俱作觀其詞雖互有工拙要其歸
皆本於性情蓋欲久於流傳必在彙而刪定昭明
選衆作而古文尚在德秀粹羣英而正宗獨傳皆
能代有成編是以人得徧覽粵我海隅之地古稱
文獻之邦箕子演九疇東民始受其賜羅人入唐
學吐方莫之或先文風大振於高麗德教極盛於

昭代間有名世之士亦皆應期而生上姚姒下魯
鄒鼓吹六經追班馬駕屈宋馳騁諸家苟求之數
千百年能言者非一二計扣之大扣之小雖異各
音工於文工於詩各盡所長是之謂物之善鳴也
孰不曰文不在茲乎第遺稿存者幾希而收錄得
之蓋寡台鉉之編成國鑑者失之疎略崔灑之著
為東文者病於闕遺是固儒者之軫心抑亦文雅
之欠事恭惟 主上殿下體舜精一繼堯文思燭
風雅興政而通念文辭載道之器俾纂往哲之精
粹以資來學之範模臣等祇奉綸音遍求縹帙本
乏相馬之眼未辨驪黃雖切測海之心曷分涇渭
祇竭心力粗加品甄倘體例有合於規模而採掇

不遺於葑菲庶無遺珠於探海敢言揀金於披沙
通前後凡幾百人得詩文摠若干卷聊進供於乙
覽庶留心於燕閑擇焉不精縱未究作者之志敏
而好古亦何慙述而言之言

進東國通鑑箋

與治興與亂以興以可鑑於既往不虛義不隱惡
善惡當示於將來應觀修史之規咸以編年爲本
通鑑托始於涑水祛馬史紀傳之冗長綱目發揮
於晦庵得麟經衮鉞之奧妙少微曰之作節要劉
剡述而著續編雖紀載詳略之殊其體裁義例則
一念我朝鮮有國古稱文獻之邦檀君並立於唐
堯民自淳而俗自朴箕子受封於周武過者化而

存者神然古籍之無徵豈空言之可載迨四郡瓜
分之後及二府幅裂之餘諸韓蜂起而寢衰三國
鼎峙而割據新羅肇基東土三易姓而應年最長
麗濟皆出朔方兩立國而境壤相接然各誇強而
訖大曾不息兵而善隣時干戈之相尋日疆場之
自蹙考隆替有遲速之異論得失無彼此之分第
國乘之僅存而文理之或盤事涉不經而荒恠語
多無稽而謬悠雖再經先儒之校讐猶復襲本史
之踈漏恭封自絕麗祖乃興經營四方刻羣雄而
者定削平二國合三韓而為家式恢宏遠之謨永
建創垂之業三十代錄既傳子而傳孫五百歲期
間或治而或亂簡策俱在臧否焉迤時運已窮於

前朝曆數竟歸於真主 太祖康獻大王握符興
運稽古彌文法漢祖收秦圖書體唐宗購隋典籍
命搜勝國之史以備秘府之藏逮三宗之相承宣
光而致治乃設史局仍掌編摩有全史既蒐剔而
色羅有節要復研剗而簡切更數紀而告訖為一
代之成書 世祖惠莊大王德性在躬聰明冠古
惟精惟一允協舜哲而克欽丕顯丕承聿追文謨
而武烈慨我國雖有舊籍無長編可擬前修方金
櫃之欲紬遽鼎湖之云邈恭惟 主上殿下研窮
至理恢廓先猷蒐乎功煥乎章治道於斯為盛繼
之志述之事制作粲然有文通鑑之成適當今日
臣等俱以謏薄之孱質叨奉撰述之綸音才既乏

於三長辭何有於一資思欲上荅於隆委祇自俯
竭其微勞博採羣書裛為巨帙凡例皆倣於資治
大義實法乎春秋因歷代之後先繫時月而序次
論其世考其事雖略加刪潤之勤惡則貶善則褒
恐未合筆削之旨間竊附潛踰之論說庶發明往
昔之是非上下千四百年前者覆而後者戒彙粹
五六十卷義欲正而辭欲嚴敢塵高明采增戰懼
置諸左置諸右時賜乙夜之觀監有夏監有殷永
作千秋之鏡

梁文襄公畫像贊

觀公之貌不揚而寢聽公之言不敏而訥然黃金
橫帶位長六卿白髮飄纓年垂七袞明國家治亂

之迹千載一日識山川險易之勢萬里一室四十年金馬正堂之出入十五考天官相府之數歷上封章數十萬言取多士一十六榜叅河帶之誓而心轉小遭鴻雁之謗而志不棄公之文如穀粟布帛公之心無涯岸城府一幅丹青新畫百世斯文山斗

守職

凡物各有職牛之職職耕稼馬之職職服乘鷄職晨犬職夜能職其職謂之守職不職其職而代他職謂之越職越職則悖理悖理則受禍今以一物譬之雞不晨而夜則人皆驚恠之磔攘之得非禍於越職乎吾見士大夫居家如職耕婢職織奴耕

婢織而家事理若奴而織婢而耕則人皆驚恠之矣焉知有磔攘之禍乎至於治國公卿宰執職公卿宰執近侍臺諫職近侍臺諫誓御僕從職誓御僕從府吏胥徒職府吏胥徒各職其職則官事理而國治矣若誓御僕從而職公卿宰執之職府吏胥徒而職近侍臺諫之職公卿宰執近侍臺諫不職其職而思出其位是越職而悖理不祥莫大焉南華老仙有言曰庖人雖不治庖尸祝不越尊俎而代之此至論也近有一甲起自微賤目緣僥倖得叅盟府官躋一品職非臺諫而職臺諫之職好為章奏彈擊人物嘗上疏論一大臣極口詆毀比之霍光梁冀章三四上殊不知怠又上疏廢毀三

公六卿朝無全人陵轢朝廷鞭撻簪紳自以為得計又上疏論一近侍極言其無狀小人比之李林甫盧杞賈似道韓侂胄伏閭闔抗天顏而固爭之甚於臺諫居正聞之笑曰某甲賢則賢矣才則才矣文則文矣然好越職論事吾恐有雞夜磔攘之禍矣居無何朝中士大夫以朋黨亂故受辜坐黨附權要羅織人罪誣罔上疏削勳籍編配遠方人皆曰越職之禍也是故君子貴守職

昭格署雷聲普化天尊祈雨青詞

大道為萬有之宗孰究妙用至誠格三清之鑑可獲陰扶茲竭卑悰恭陳淨醮念我否德叨襲丕基厥位克艱無彊休亦無彊恤惟天可畏應以實不

應以文然闕遺之尚多致灾咎之荐至春不雨夏尚不雨恐來牟未受厥明耕失時耘亦失時豈稼穡有相之道雖切望霓之懇未有動天之誠纔興雨之淒淒旋出日其杲杲雲欲聚而復散風使離之慙為虐而如焚苗則稿矣農者國之本一穀不登則歲凶食為民之天三日不食則命殞今既失候於東作亦復何望於西成是雖擊人事之有愆恐或虧天心之生物予一人宜受譴罰之酷彼萬姓忍罹凶歎之憂情激于中心簡在上天高也星遠也毋曰杳冥難知雲油然雨沛然佇借扶佑之力爰採冲科於金籙聿嚴法事於琳宮伏願仙馭載回靈光丕顯雲同天而優渥月離畢而滂沱曰

雨曰暘曰煥曰寒曰風五者來備實種實發實堅
實好實粟百穀用成

賀上黨府院君韓相公受賜几杖詩序

歲癸卯之冬十月有日以公年六十九上章乞退
聖上親札叙公勲德示不可辭老之意公不獲已
就職翌年春二月既望上遣弘文館校理朴文
幹賜几杖公稽首拜謝於是榮君賜敬使命
設宴慰之朝中國老諸大夫咸徠赴賀領議故蓬
原府院君鄭公昌孫青松府院君沈公澮河城府
院君鄭公顯祖鈴原府院君尹公壕判中樞金公
漑禮曹判書李公坡刑曹判書魚公世謙以下簪
纓滿座相與讚聖上敬老之大德佳主人年德
之俱高樂青春時物之和煦皆歌詠稱羨屬居正
序嘗觀曲禮曰大夫七十而致仕若不得請則必

賜之几杖 國家之制官至一品年七十以上係
國家輕重者賜几杖今公以豪傑非常之才遇
世祖不世出之主首建大策夷靖大難貧襄十四
載太平之治逮事我 聖主夾輔左右功德亦懋
五八巖廊四圖隣閣身佩安危為國柱石者餘三
十年矣况今壽到稀齡其耆艾老成之德無出公
右者其得几杖之賜之榮聳人觀聽不亦宜乎嗚
呼壽出於天而天不可必思出於上而獲乎上亦
不可必今公獲難必之壽於天獲難必之恩於上
壽考如是恩榮如是非間氣命世之人物能如是
乎必年彌高德彌邵永享遐福於期頤也無疑矣
居正叨叅末席獲覩盛事頌禱之誠夫豈後於人

我嘗讀既醉之詩曰既醉以酒既飽以德君子萬
年介爾景福此非公祝 上之辭乎南山有臺之
詩曰樂只君子遐不作眉壽樂只君子德音是茂此
非居正祝公之辭乎其張皇讚述以續雅頌之後
者自有其人矣

太虛亭集序

古人有言死而不朽者三立德立功立言也夫立
德立功人所難必至於立言亦豈易哉六經吾無
間然矣鄒夫子既沒立言者少至西京董江都賈
太傅以古文唱之司馬遷班固繼之後得楊雄氏
劉向氏王通氏作者相承唐有韓吏部柳柳州杜
少陵李謫仙宋有歐王黃蘇元有楊虞揭范皆稟

光岳精英之氣敷為文章雄蓋一時名垂百代雖謂之不朽可也寧城崔先生早有大志博檢羣書涵養精熟發而為文者亦復奧妙名聲已挺於諸輩中宣德甲寅世宗臨雍策士先生裒然為大魁擢入集賢殿陪侍經幄昵被知遇在鑿坡者十七年盡閱中秘書淹貫今古集文章之大成獨步當時文宗即位眷注亦隆為諫大夫為承旨常兼館職及佐我世祖再叅勲盟位尊台鼎正當作新文運之日自任斯文制作之責五經四書口訣經國大典等編皆所纂定也逮我聖上臨御又策勲烈再入相左右贊襄恢弘文教撰世祖睿宗實錄皆為總裁屢掌文園得人亦盛爵

位愈高而文名益重凡朝廷雄文大冊事大表箋皆出其手他如公卿碑碣官署寺院紀功載績者與夫一時四方求文字者得公片言隻字如獲拱璧而珍寶之居正先生妻弟也初歸我家居正年方志學親承指誨獲聞緒餘後十載亦登第被選濫側諸先生之後盜竊文墨虛名及先生入相猥以不才忝主文衡揆分則踰皆先生之賜也先生平生以詞章為無用空言雖有著述鮮存其藁先生既沒嗣子永潏永澎勤於襄集得詩文若干未及彙集相繼淪逝居正竊念如先生之文章不可泯滅無傳謹會粹成編如左欲序弁其首則痛念先生存沒悲不自勝何能措一辭乎然聞世之評

四佳文集補遺二
先生之文者曰先生天分至高學力亦到方其得意肆筆成章浩乎若長風驅帆順流而下也閃乎若驟裏騰驤爾雲而上也瑩乎若干將莫耶光刃畢露也其體裁雄渾峻壯沉鬱淵深雖富而不侈雖覈而不鑿雖奇而不崛尤精於駢儷深得陸宣公文法真可謂奇偉不凡之才矣其所以立言不朽又何讓於向之數君子者乎抑聞之立德之謂學立言之謂文言之成章者亦有功於斯文者也德也功也言也三者相曰一而已矣豈非學問之極功作者之能事乎今序先生之文以此并論之大雅君子其必有取舍者矣先生諱恒字貞父太虛亭其號也

龍集丙午清和節四佳逸老徐居正剛中序

四佳文集補遺二終

